

• **Futbola**

Reala-Salamanca: Anoetan urteko lehen garaipena bilatuko dute gaur txuri-urdinek → **31**

Alaves-Espanyol: Etxean eta fitxaketa berriekin, hil edo biziko partidua dute gasteiztarrek → **32**

• **Eskubaloia**

Portland San Antonio: Europako Txapeldunen Ligako final-laurdenetara sailkatu dira nafarrak, Celjeri irabazita → **34**

Athletic ♦ Bi aurkariak ikuskizun ederra eskaini zuten, euri zaparradagatik urez beteta zegoen Nou Campen

Balentria egiteko zorian

Lehen zatian makal aritu zen Athletic, baina Barça baino gehiago izan zen gero

Barcelona	Athletic
4	2

Barcelona.- Hesp, Reiziger, Pelegriño, Abelardo, Sergi, Guardiola (Xavi, 59m.), Cocu, Figo, Luis Enrique, Rivaldo, Kluivert.

Athletic.- Imanol Etxeberria, Larrainzar, Alkorta, Ferreira, Felipe, Carlos Garcia, Imaz (Javi Gonzalez, 52m.), Alkiza (Lacruz, 81m.), Guerrero, Joseba Etxeberria, Ezquerro (Urzaiz, 46m.).

GOLAK: 1-0.- Luis Enriquek (23m.); 2-0.- Cocuk (40m.); 2-1.- Urzaizek (52m.); 3-1.- Rivaldok (54m.). 3-2.- Guerterok (72m.). 4-2.- Rivaldok (86m.).

ARBITROA: Brito Arceo. Txartel horiak: Barcelonako Guardiolari, eta Athleticen Carlos Garcari, Imazi, Felipe Gurendez eta Ezquerri.



JULIAN MARTIN / EFE

Joseba Etxeberria baloia kontrolatzen, Cocuren aurrean.

Ramon Basaldua / Bilbo

ATHLETIC ez zen makina geratzeko gauza izan Nou Campen. Atzoko porrotarekin eten egin dute aurreko sei jardunaldietako bolada ona. Lehenengo zatian Barcelona Athletic baino gehiago izan zen, eta zuri-gorriek bigarren zatian izan zuten susperraldia ez zen nahikoa izan punturen bat urratzeko. Fernandezek gizonak bikain aritu ziren bigarren zatian, eta ordainen bat erdiesteko meritoak egin zituzten.

Atzoko egunean zehar Bartzelonan jausitako eurijesak baldintzatu zuen partidua.

Louis Van Gaalek taldeak erasoari ekin zion lehenengo minututik. Zelaia zelan zegoen ikusita, luze jokatzuz hurbiltzen ziren Imanol Etxeberriaren ate ingurura. Luis

Fernandezek gizonak ondo kokatuta zeuden zelaian eta ez zuten arazorik aurkariaren erasoak geratzeko. Baina zelaia eagoerak bertan behera uzten zituen zuri-gorrien ahaleginak kontrerasora jokatzeko. 22. minutuan, berriz, Figok eskuin hegalean jaso zuen baloia eta haren erdiraketa Luis Enriquek bidali zuen Imanol Etxeberriaren sareetara.

Golak sekulako bizitasuna eman zion partiduari. Athletic aurrera egin zuen berdinketaren golaren bila eta Barcelonak eutsi egin zion hasierako planteamendu erasokorrari. Zuri-gorriek gogotsu jardun zuten arren, ezinean ari ziren zelaia eagoerari eta Barcelonari aurre egiteko. Gainera, Luis Fernandezek gizonak ez ziren fin ibili goiko baloietan eta lehen

zatia amaitzeko bost minutu geratzen zirela Cocuk Barcelonaren bigarren gola egin zuen Kluivertek buruz ikutu ondoren. Zelaia eagoeraren txarra Athleticentzat lagungarri izan zitekeela zirudien arren, Barcelonak mendean hartu zuen talde zuri-gorria.

Bigarren zatian Athleticen lotsagabe ekin zion erasoari eta seigarren minutuan Ismael Urzaizek 2-1eko gol egin zuen. Atzo ere argi geratu zen egun Urzaiz ezinbestekoa dela Athleticen. Bi minutu beranduago, berriz, Rivaldok 3-1eko gol egin zuen. Zuri-gorriek ez zuten etsi eta 26. minutuan Guerterok 3-2koa sartu zuen Urzaizen jaurtikearen ostean. Luis Fernandezek ekipa jo eta ke aritu zen berdinketaren golaren bila baina zuri-gorrien lan bikainak ez zuten ordainik izan.